



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka („Službeni glasnik BiH“ broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2009. GODINU BOSANSKOHERCEGOVAČKE PODRINJSKE NARODNE STRANKE

Broj: 03-07-6-87/10
Sarajevo, 14.02. 2011. godine

SADRŽAJ:

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE.....	5
Predmet revizije.....	5
Cilj revizije	5
Obim revizije	5
4. PRETHODNE KONTROLE I REVIZIJE.....	5
5. NALAZI REVIZIJE I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je reviziju godišnjeg finansijskog izvještaja Bosanskohercegovačke podrinjske narodne stranke za 2009. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Utvdili smo da Bosanskohercegovačka podrinjska narodna stranka u izvještajnom periodu nije postupala u skladu sa odredbama člana 6., i člana 11. stav (1) i stav (3) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je Bosanskohercegovačka podrinjska narodna stranka u 2009. godini postupala u skladu sa odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila reviziju godišnjeg finansijskog izvještaja Bosanskohercegovačke podrinjske narodne stranke za 2009. godinu.

Revizija je preduzeta u skladu sa članom 14. stav 1. Zakona o finansiranju političkih stranaka i članom 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da se revizija obavlja na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Bosanskohercegovačka podrinjska narodna stranka je ostvarila prihode u iznosu od 11.740,00 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u uk.prih. %
1	Članarina	600,00	5,11%
2	Prilozi fizičkih lica	1.010,00	8,60%
3	Prilozi pravnih lica	4.010,00	34,16%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	1.500,00	12,78%
7	Prihodi iz budžeta	4.620,00	39,35%
	Ukupni prihodi:	11.740,00	100,00%

U godišnjem finansijskom izvještaju Bosanskohercegovačka podrinjska narodna stranka je iskazala ukupne rashode u iznosu od 11.601,09 KM.

2. PREDSTAVLJANJE POLITIČKE STRANKE

Naziv političke stranke: Bosanskohercegovačka podrinjska narodna stranka. Skraćeni naziv stranke BPNS. Posljednja registracija stranke je izvršena 19.05.2008. godine kod Općinskog suda u Sarajevu pod brojem 065-0-Reg-08-001614. Sjedište političke stranke je u Sarajevu, Džemala Bijedića 160.

Lice ovlašteno za zastupanje stranke je Seid Karić, predsjednik stranke.

Lice ovlašteno za podnošenje finansijskih izvještaja za 2009. godinu je Javorka Rejc.

Prema podacima iz godišnjeg finansijskog izvještaja, Bosanskohercegovačka podrinjska narodna stranka nema organizacionih dijelova nižeg nivoa.

3. OPIS REVIZIJE

Predmet revizije je godišnji finansijski izvještaj Bosanskohercegovačke podrinjske narodne stranke za 2009. godinu.

Cilj revizije je da se prikupi dovoljno relevantnih dokaza kako bi se moglo izraziti mišljenje o tome da li je Bosanskohercegovačka podrinjska narodna stranka u izvještajnom periodu postupala u skladu sa odredbama Zakona o finansiranju političkih stranaka

Obim revizije finansijskog izvještaja Bosanskohercegovačke podrinjske narodne stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica i prihode iz budžeta.

4. PRETHODNE KONTROLE I REVIZIJE

Služba za reviziju je, izvršila pregled godišnjih finansijskih izvještaja za 2006., 2007. i 2008. godinu izdala izvještaje o pregledu sa mišljenjem revizora, nalazima i preporukama da stranka treba da postupa u skladu sa odredbama člana 4. stav (2), člana 5. stav (1), člana 6., člana 8. stav (1) i člana 11. stav (3) Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2009. godinu, utvrđeno je da politička stranka nije ispoštovala preporuke koje su date u izvještajima o pregledu godišnjih finansijskih izvještaja za 2006., 2007. i 2008. godinu, odnosno stranka i dalje krši odredbe člana 6. i člana 11. stav (3) Zakona o finansiranju političkih stranaka.

5. NALAZI REVIZIJE I PREPORUKE

5.1. NALAZI

a) Bosanskohercegovačka podrinjska narodna stranka je prekršila odredbe člana 6. Zakona o finansiranju političkih stranaka.¹

Revizijom je utvrđeno da je stranka u periodu od 01.02-01.06.2009. godine koristila bez naknade poslovne prostorije firme „IMZIT-COMERC“ doo u Buća potoku. Obzirom da mjesečna zakupnina prema ugovoru iznosi 300,00 KM, koristeći bez naknade prostorije stranka je osvarila prilog koji nije prijavila u iznosu od 1.200,00 KM.

Takođe, fizičko lice, stranci pruža knjigovodstvene usluge bez naknade. Prema dostavljenoj dokumentaciji vrijednost navedenih poslova za 2009. godinu iznosi 600,00 KM, te je stranka ostvarila prilog koji nije prijavila, suprotno odredbama člana 6. Zakona o finansiranju političkih stranaka.

¹ Prema odredbama člana 6. Zakona o finansiranju političkih stranaka, ako ukupan iz priloga jednog lica iz člana 4. stav (1) premašuje 100 KM, ta uplata se mora unijeti u finansijski izvještaj u skladu sa članom 11. Zakona.

b) Stranka je prekršila odredbe člana 11. stav (1) i (3) Zakona o finansiranju političkih stranaka.²

- Finansijski izvještaj nije popunjen u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06).

Na osnovu obavljene revizije utvrđeno je da je stranka u obrascu 2-1 (Pregled stanja blagajne) iskazala ukupan ulaz u blagajnu za 400,00 KM više od ostvarenog.

Naime, stranka je sa transakcijskog računa za potrebe blagajne podigla sredstva u iznosu od 400,00 KM.³ Navedena sredstva stranka je u blagajni⁴ i poslovnim knjigama prikazala kao dvije uplate od 400,00 KM, te je na taj način ukupan ulazni promet uvećala za 400,00 KM, suprotno odredbama člana 12. Pravilnika o godišnjim finansijskim izvještajima političkih stranaka.⁵

U obrascu 3-e finansijskog izvještaja (Nenovčane donacije i računi koje politička stranka nije imala obavezu da plaća) stranka nije iskazala priloge u iznosu od 1.200,00 KM od firme „Imzit-Comerc“ doo i 600,00 KM od fizičkog lica, a koje je ostvarila koristeći poslovne prostorije navedene firme bez naknade i koristeći knjigovodstvene usluge fizičkog lica takođe bez naknade, što je suprotno odredbama člana 18. Pravilnika o godišnjim finansijskim izvještajima političkih stranaka.⁶

- Na osnovu navedenog utvrđeno je da stranka nije vodila adekvatne evidencije o svojim prihodima i rashodima, i da u godišnjem finansijskom izvještaju nije iskazala sve prihode koje je ostvarila u 2009. godini, čime su prekršene odredbe člana 11. stav (1) Zakona o finansiranju političkih stranaka.

5.2. PREPORUKE

Preporučuje se Bosanskohercegovačkoj podrinjskoj narodnoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

➤ ***da postupa u skladu sa odredbama člana 6. i člana 11. stav (1) i (3) Zakona o finansiranju političkih stranaka i to:***

- ***da prijavljuje sve primljene priloge,***
- ***da vodi evidencije o svojim prihodima i rashodima i***

² U skladu sa članom 11. stav (1) Zakona o finansiranju političkih stranaka političke stranke su obavezne voditi evidenciju o svojim prihodima i rashodima.

U skladu sa članom 11. stav (3) Zakona politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH, a čiji su sadržaj i forma propisani Pravilnikom o godišnjim finansijskim izvještajima političkih stranaka.

³ Izvod br 1

⁴ Dnevnik blagajne od 01.02.-28.02.2009. godine.

⁵ U skladu sa članom 12. Pravilnika o godišnjim finansijskim izvještajima političkih stranaka u obrazac 2-1 (Pregled stanja blagajne) unose se sljedeći podaci: naziv organizacionog dijela političke stranke, saldo blagajne na početku perioda, ukupan ulaz u blagajnu, ukupan izlaz iz blagajne i saldo blagajne na kraju perioda.

⁶ Prema odredbama člana 18. Pravilnika u obrazac 3-e (Nenovčane donacije i računi koje politička stranka nije imala obavezu da plaća) unose se sljedeći podaci: naziv organizacionog dijela političke stranke, donator, vrsta poklona ili usluge, datum primljenog poklona ili usluge, ukupna vrijednost poklona ili usluge i vrijednost koju politička stranka nije imala obavezu platiti.

- *da finansijske izvještaje koje podnosi Centralnoj izbornoj komisiji BiH sačinjava u formi propisanoj Pravilnikom o godišnjim finansijskim izvještajima političkih stranaka.*

KOMENTAR:

U ostavljenom roku, Bosanskohercegovačka podrinjska narodna stranka nije dala primjedbe na nalaze koji su dati u Preliminarnom izvještaju o reviziji godišnjeg finansijskog izvještaja za 2009. godinu.

Zahvaljujemo se osoblju Bosanskohercegovačke podrinjske narodne stranke na dobroj i korektnoj saradnji tokom obavljanja revizije finansijskih izvještaja.

Mr. Hasida Gušić, šef Službe za reviziju

Veliborka Kravljača, revizor

Anela Burdžović-Kapić, pomoćnik revizora